

Latit.  
Gr. Scr.

Longit.  
Gr. Scr.

31. 47. 66. 52.

populus Israël pro Manna carnes concupivit; Deusque misit coturnices, &c. Numer. 11. v. 4. . . . & alibi.

Sepulchrum Deborah, Genes. 35. v. 8. ad radices Bethel subter Quercum, vocatumque est nomen loci illius, Quercus fletus. V. Quercus fletus & Bethel.

31. 41. 66. 28.

Sepulchrum Rachel uxoris Jacob, inter Jerusalem, & Bethlehem. Genes. 35. v. 19. Mortua est Rachel in partu filii sui Benjamin, & sepulta est in via, quæ (à Jerusalem) ducit Ephratam, hæc est Bethlehem. v. 20. Erexitque Jacob titulum super sepulchrum ejus: Hic est Titulus Monumenti Rachel.

31. 31. 67. 17.

Ser, legendum putamus Affedim-Ser. V. Affedim-Ser, & Animadv. Setim. Numer. 25. v. 1. Morabatur eo tempore Israël in Setim, & fornicatus est populus cum filiabus Moab, v. 2. quæ vocaverunt eos ad sacrificia sua, &c. Josue 2. v. 1. Misit Josue de Setim duos viros exploratores in abscondito, & dixit eis: Ite, & considerate terram, urbemque Jericho. 3. v. 1. Josue de nocte confurgens movit castra, egredientesque de Setim venerunt ad Jordanem. Michæ 6. v. 5. Dominus ingratitudinem populi reprobrans; petit, ut reminiscatur quid factum sit, de Setim usque ad Galgalam; de transitu Jordanis intelligit.

31. 25. 65. 38.

Siceleg nona inter tredecim primas Tribus Simeonis urbes, Josue 19. v. 5. & sic constanter ubique nomen legitur; ut & Josue 15. v. 31. in Tribu Juda, & 1. Paral. 4. v. 30. & 1. & 2. Reg. in quibus multoties est hujus nominis mentio. Dedit enim eam profugo Davidi Achis Rex in Philisthæis; & ab ea David cum sexcentis suis in circumvicinos populos excursiones faciebat, prædamque plurimam agebat, imponebatque Regi Achi; sed & dum ipse Achim sequitur contra Saulem, & statim remittitur. Amalecitarum Siceleg incendunt, Davidis, suorumque uxores, filios, filiasque captivas abducunt: David eos trans Torrentem Besor persecutus, epulantes tripudiantesque occidit; captivos, prædamque omnem reducit; sua cuique reddit, reversusque in Siceleg, ex hostium præda etiam amicis gratificatur.

32. 9. 66. 57.  $\frac{1}{2}$

Sichem, Sichima, Sichar. Sichem urbs antiqua, & penes quam Abrahamo apparuit Deus, & ipsi Terram Chanaan promisit, Gen. 12. v. 6. & 7. Jacob etiam è Mesopotamia rediens, à Socoth (quæ trans Jordanem) transivit in Salem (quæ cis Jordanem) urbem Sichimorum, 33. v. 18. emitque partem agri à filiis Hemor patris Sichem, v. 19. Sed ob Dinæ raptum & stuprum Sichimitæ à Simeone, & Levi fratribus Dinæ circumcisi sunt, & perfide percussi, 34. toto cap. Jacob à Sichem in Bethel secedens, deos alienos suorum infodit subter Quercum, quæ est post Sichem, 35. v. 3. & 4. Ex Josue 20. v. 7. & 21. v. 21. & ex 1. Paral. 6. v. 67. Urbs Sichem Levitica facta est, & familiæ filiorum Caath concessa, & ad Confugium data. Josue 24. v. 32. Offa Joseph, quæ tulerant filii Israël de Ægypto, sepelierunt in Sichem, in parte agri, quem emerat Jacob. Vide Prædium Joseph. Judic. 9. toto cap. Abimelech in Sichem occidit omnes fratres suos, & Tyrannidem usurpavit; in quem statim, & in Sichimitas multa imprecatur Joatham, qui unicus ex 70. fratribus fugâ mortem evaserat. Et paulò post Sichimitæ in Abimelech insurgunt, urbem autem ipse capit, funditusque diruit; sed ipso ad turris oppidi Thebes obsidionem molæ fragmine oppresso, Sichem urbem, aut superstites cives, aut circumvicini populi quoquomodo reparavere. Nam 3. Reg. 12. toto cap. venit Roboam in Sichem, ut post patrem Salomonem, Rex ab omnibus Tribubus Israël eligeretur; regno autem in duas partes secto, Jeroboam Rex in Tribubus decem nominatus Sichem reædificavit, muniitque. Cæterum Sichem aliquando Sichima scribitur in historia Abimelech, Judic. 9. &c. & in Psalmis 59. & 107. cives Sichimi pluribus in locis, & Sichimitæ,